

**«Ақмола облысы Білім басқарамасы,
Бұланды ауданы білім бөлімі бойынша
Макинск қаласының мектеп-лицейі» КММ
2024-2025 оқу жылының I жарты жылдығында өткізілген
жұмыстар бойынша тәлімгер есебі**

Мектеп оқушыларының өзін-өзі басқару ұйымында «Жас Ұлан, Жас Қыран» бірыңғай балалар ұйымында оқушылар арасында өткізілген Ұланбасы сайлауы нәтижесінен соң сынып әкімдері мен Ұланбасы және мектеп министрлерімен отырыс өткізілді. Отырыс барысында Ұланбасы Эргашева Айдана оқушылармен өткізілетін жұмыстардың жоспарымен таныстырды. Касенова Айнұр оқу және білім министрі, Кожаква Мөлдір, Бердікбекқызы Пынар мектеп оқушыларының мәдениет министрі, Дарибай Мадияр спорт министрі отырыс барысында тағайындалды.

✓ Мектеп президентін сайлау

Мектеп оқушыларының өзін - өзі басқару ұйымының негізі ретінде президенттік басқару жүйесі қалыптасқан. Балалардың білімге құштарлығын арттыру, өзін - өзі басқару жұмысына жетелеу, ұжымдық жауапкершілікті сезіне білуге қалыптастыру мақсатында мектеп президентін сайлау өткізілді. Мектеп президентіне үміткер 4 оқушы болды Эргашова Айдана 10 "А" сынып, Шалкенов Әмір "10 А", Нурканова Мөлдір "9а", Омарова Сабина 9 "А". Сайлау қорытындысы бойынша 10 "А" сынып оқушысы Эргашева Айдана мектеп президенті болып сайланды.



Әрбір өткізілетін іс-шараларға барынша оқушыларды көбірек тартуды қамтамасыз етуге тырыстық.

Жоспар бойынша өткізілген іс-шаралар:

- ✓ 2024 жылдың 21-ші қазан күні мектеп Парламентінің отырысы өтті. Отырысты мектебіміздің Президенті Эргашева Айдана парламент мүшелерімен 2024-2025 оқу



жылына арналған мектеп Парламентінің жұмыс жоспарын талқылап, өз көмекшілеріне тапсырмалар берді. Әр апта сайын жүйелі түрде отырыстар өтілетінін мәлім етті.

- ✓ Мектеп Ұланбасының ұйымдастыруымен 5-6 сыныптар футболдан жарыс өткізілді. Жарыс нәтижесі бойынша: 1 орын 6 Ә, 2 орын 5 А, 3 орын 5 Ә иеленді.



- ✓ "Адал және сатылмайтын еңбек" атты сурет байқауы. Сыбайлас жемқорлыққа қарсы күрес мәдениетін қалыптастыру мақсатында "Адал ұрпақ" тәлімгердің ұйымдастыруымен бастауыш сыныптар арасында өткен "Адал және сатылмайтын еңбек" атты сурет байқауына қатысқан оқушылар жүлделі орындарға ие болды.



- ✓ 2 "А" және 3 "А" сыныптарында «Адал-азамат -Адал-еңбек -Адал табыс» тақырыбында сынып сағаттары өтілді. "Адал адам – Адал еңбек – Адал табыс" — бір-бірінен ажырамайтын ұғымдар. Осы үш тағанды озық әрі табысты елге айнарудың басты кілті деуге болады, деді Қасым-Жомарт Тоқаев. Адал азамат дегеніміз — жақсы қасиеттерге ие болып, адал еңбек ететін және табысқа адал жолмен жететін адам. Яғни, адалдық пен әділдікті бәрінен биік қояды. Озық ойлы ұлт болу үшін бүкіл қоғам сана-сезімін өзгертіп, жаңа құндылықтарды орнықтыруы

керек. Әрбір адам "Адал азамат" деген атқа лайық болса, елімізде әділ қоғам орнайды.



- ✓ «Денсаулық күні» мектеп ұстаздары мен оқушылары сапқа тұрғызылып, мектеп директорының м.а Серік Нұртуған спорттық іс-шараларға қатысушыларды



құттықтап, оқушыларды салауатты өмір салтын ұстауға, жеке бас гигинасын сақтауға, дене шынықтырумен спортпен шұғылдануға мектеп партасынан - ақ жаман әдеттерден аулақ болып, өскен ортадан тек қана жақсы әдеттерді бойына сіңіруге шақырды. Әр бір азамат спортпен айналысып, әртүрлі спорт секцияларына қатысып еліміздің дені сау, рухы күшті азаматы болып өсулеріне тілектес екенін білдірді. Дене шынықтыру пәнінің мұғалімдері: Мазах Әдепхан мен Жапекенов Жанат жарыстың өткізу ережесімен таныстырды. «Денсаулық күні» оқушылардың спорттық жаттығуларымен басталды.

- ✓ Қарттар айлығының аясында “ Қарттар -асыл қазына” атты мерекелік концерт өткізілді. Мектеп парламентінің қатысуымен концерттік бағдарлама құрылып, оқушылар үздік өнер көрсетті. Мақсаты: жас жеткіншектердің бойына үлкенді сыйлап, тыңдай білуге, халқының салт-дәстүрінен нәр алуға, инабаттылық пен мейірімділікке тәрбиелеу. Қазіргі кезде біздің мемлекетімізде қарттарға үлкен мән

беріп , көңіл аударып , жан-жақты үкімет тарапынан қамқорлық жасалуда.



Қазақстанның өсіп-өркендеуіне , еліміздің бейбітшілік тыныш өмір кешуіне өз үлестерін қосқан осы ардақты да аяулы қарттарымыздың арқасы деп есептейміз. Саналы ғұмырларын Отан деп, тынымсыз еңбектермен мемлекетіміздің негізін салуға жол ашқан алдыңғы буын ата-әжелеріміздің еңбегі ерекше. Олардың өмір жолдары бүгінгі ұрпаққа табылмас қазына. Қарттар-біздің асыл қазынамыз.

- ✓ Ұстаздар күніне байланысты “Ұстаз ұлы тұлға “ атты мерекелік концерт ұйымдастырылып, оқушылар мен мектептің өзін -өзі басқару ұйымы “Дублер күнін” ұйымдастырды. Мақсаты: Оқушыларды ұстазды құрметтеуге, сыйлауға үйрету, ұстаз мамандығының қыры мен сырларын түсіндіру. Ұстаз еңбегін әрқашан бағалай білуге үйрету. Ғылым иесі ғалым да, ел қорғаған батыр да, тілінен бал тамған ақын да, тегеуріні темір балқытқан жұмысшы да, егін салған диқан да, мал бағып терін төккен шопан да, көк күмбезінен әрі өткен ғарышкер де бәрі-бәрі ұстаздан білім, тәлім алған, сондықтан ұлағатты ұстаздар сіздерге бүкіл адам баласы құрметпен бас иеді. МҰҒАЛІМ - мейірімді, ұлағатты, ғазиз, ақылды, лайықты, іскер, маман.



- ✓ Мектебімізде ағымдағы жылдың 27 желтоқсан күні “Қош келдің Жаңа жыл- 2025!” атты жаңа жылдық мерекелік іс-шарасы өтті. Іс-шараның шымылдығын бастауыш



сыныптары білім алушылары ашып, әсем әндер орындалып, би биленді. Ақшақар, Аяз Ата, Сайқымазақтар, ұлу, жылан, мыстан кемпір т.б бүлдіршіндердің көңілін қуантатын кейіпкерлер ортада рөлдерді сомдады.

Мақсаты: Қыс мезгілінде болатын балалардың сүйікті мерекесімен таныстыру. Мерекелік көңіл күйлерін ояту. Әр баланың мерекеге қатысуын

кадағалап, мерекені балалардың естерінде қалатындай етіп өткізу, достық қарым-қатынас орнату көзделді. Балалар Жаңа жыл, қыс мезгілі туралы тақпақтарын нақышына келтіре айтып, хормен "Шырша", "Жаңа жыл" әнін орындады. Сондай-ақ Ақшақар биін билеп өте қызықты ойын түрлерін көрсетіп, өз өнерлерін паш еткен бүлдіршіндер Аяз ата дорбасынан сыйлық тәттілерін алып мерекелік жақсы көңіл күймен аяқталды.

✓ Мектеп оқушылары әр түрлі тақырыптарда челленджерге қатысты.



✓ Республика күніне оқушылармен сап түзеу өткізілді.

